

羅江縣志卷之十

名宦

朝廷設官分職以寄百里之命凡以爲民也凡牧民者澤及羣黎有功於社稷則當時感之後世思之洵有不能忘情者昔召伯之甘棠羊祜之峴石傳於千古不朽若不畱心民瘼其能動生民之詠歌乎古桐鄉之芳徽可以風世矣作名宦志

名宦

羅江縣志

卷之十

一

唐何易于先爲利州益昌令卽今昭化縣大著能聲有惠愛及民刺史崔朴泛州益昌率民挽繆易于身引舟朴驚問易于曰方今百姓耕蠶惟令不事事可任其勞朴愧而去又權茶詔下易于取而焚之觀察使知其賢不忍劾後遷羅江令爲政不異於益昌時刺史裴休至邑見其廉嘆美之宋乾道中縣令楊超爲作循良吏碑立於署中碑今無存

明盛昶直隸人明史列傳吳江人天順間以御史

謫知羅江廉明公恕興利除害時趙鐸寇亂昶率眾追剿報捷陞知叙州府

張于吉字鎮周廣東南海人萬曆中以舉人任羅令蒞政四載爲政簡約和惠民思之

夏公號見明

金陵人萬曆三十九年任有惠政民祠祀之今祠廢碑存

按通志羅江名宦止列何盛二人今考遺跡如唐白大信常德之築堰利民如明姚謨之刻銘自警張道振之鼎新學校不愧循良之稱姑俟

羅江縣志

卷之十

二

後賢表揚之

國朝如二王田李諸公皆廉能和惠日久自有定評

附 前任沈公德政碑

沈公諱潛字亦昭浙江嘉興府秀水縣人乾隆七年六月抵羅江任沈公仁慈敬信明察端廉正直無私實心勤政弭盜安民旌善除惡修理上下大路共樂坦途捐造堅厚渡船如登平地勸課農桑著書制器栽楊柳以庇行旅興義學以育人才治將三年風俗一新誠爲吾邑賢父

母也茲於乾隆十年三月二十九日奉委提調
赴省於四月二十三日壽終成都官署闔邑士
人感之深思之至爰記政畧勒石以誌不朽云
乾隆十年乙丑士民立石

科第貢舉

三代以上取士以選舉秦漢以對策取士而科目之制開古今之勢不同故其制不得不異也設科之法代有殊制而人材之出必以科第貢舉爲重國朝文武併取貢舉咸登經明行修者悉登仕版紀而傳之庶斯文之不朽而登進之大有造於名教也作科第志

選舉

進士

羅江縣志

卷之十

四

明程良翰弘治甲子舉人乙丑進士

高節正德壬午舉人嘉靖壬辰進士按花按通志選舉篇於舉人條內稱爲羅江人於進士條內稱爲綿州人但考前明羅邑學宮碑文云雖云葺爾之區儲產人文頗稱繁盛之地按花高節發於正德甲午科載在賢書歷歷可考等語其爲羅江人無疑矣

國朝李化楠乾隆辛酉舉人壬戌進士

舉人

明雍 原永樂年 科分無考

吳 瑛天順年間中式涇陽知縣

金 深

吳 瓊 瑛兄

鄭 泗嘉靖年 科分無考

余興賢 廣州府通判 鄭之奇 州判出身無考

羅江縣志 卷之十

武舉

國朝郭俞都 癸巳科

副榜

國朝郭大有乾隆辛酉科

拔貢

國朝趙亮

歲貢

明趙進

國朝陳策 范昂 陳註 石惟嶽 嚴秉綱
孟乾仁

羅江縣志

卷之十

六